



東坡先生年譜

五羊王宗稷編

仁宗皇帝景祐三年丙子

先生生於是年十二月十九日乙卯時按先生
送沈達詩云嗟我與君皆丙子又有贈長蘆長
老詩云與公同丙子三萬六千日又按玉局文
云十二月十九日東坡生日置酒赤壁磯上又
按志林云退之以磨蝎為身宮而僕以磨蝎為
命若以磨蝎為命推之則為卯時生議者以先
生十二月為辛丑十九日為癸亥日丙子癸亥



水向東流故才汗漫而澄清子卯相刑晚年多難

四年丁丑

寶元元年戊寅

二年己卯

康定元年庚辰

慶曆元年辛巳

二年壬午

是年先生七歲已知讀書按先生上韓魏公梅直講書云自七八歲知讀書又按先生長短

集洞仙歌自序云僕七歲時見眉州老尼姓朱年九十餘能知孟昶宮中事又考冷齋夜話載先生云某七八歲時嘗夢游陝右

三年癸未

是年先生八歲入小學按志林云吾八歲入小學以道士張易簡為師師獨稱吾與陳太初者又按先生作范文正公文集序云慶曆三年某始入鄉校士有自京師來以魯人石守道慶曆聖德詩示鄉先生某從旁竊觀問先生十一人何人也先生曰童子何用知之某曰此天人也

耶則不敢知若亦人耳何為其不可

四年甲申

五年乙酉

按子由作先生墓誌云公生十年而先君宦學四方太夫人親授以書問古今成敗輒能語其要太夫人讀東漢史至范滂傳慨然太息公侍側曰某若為滂夫人亦許之否乎夫人曰汝能為滂吾顧不能為滂母耶公之奮厲有當世志太夫人喜曰吾有子矣又按大全集載東坡少時語云秦少章之東坡十來歲蘇魚今作夏侯

太初論有人能碎千金之璧不能無頭殼於破釜能搏猛虎不能無變色於蜂蠆之語老蘇愛此論年少所作故不傳又按趙德麟所編侯鯖錄云東坡年十歲在鄉里見老蘇誦歐公謝宣召赴學士院仍謝賜對衣金帶及馬表老蘇令坡擬之其間有匪伊垂之帶有餘非敢後也馬不進老蘇喜曰此子他日當自用之

六年丙戌

七年丁亥

先生年十二按先生所作天石硯銘曰某年十

二時於所居紗綬行宅隙地中與群兒鑿地為
戲得異石鏗然扣之有聲又按先生作鍾子翼
哀詞云某年十二先君宮師歸自江南又按先
生與曾子固書云祖父之沒某年十二矣

八年戊子

皇祐元年己丑

二年庚寅

三年辛卯

四年壬辰

先生年十七按長短句滿庭芳序云余年十七

始與劉仲達往來於眉山

五年癸巳

至和元年甲午

先生年十九始娶眉州青神王方女按先生作

王氏墓誌云生十有九歲而歸于某至治平二

年王氏卒年二十有七以王氏年數考之則甲

午年歸于先生明矣

二年乙未

是歲先生年二十游成都謁張安道按先生作

樂全先生文集序云某年二十以諸生見公成

都一見待以國士有見美對是年求交於先生
按送美對詩云我生二十無用傳當時四海一
子由君來扣門若有求

嘉祐元年丙申

先生年二十一舉進士按鳳鳴錄記云始余丙
申歲舉進士過扶風求舍於館人不可而出次
於逆旅又有寓老蘇送石舍人序

二年丁酉

先生年二十二赴試禮部館于興國寺浴室院
按先生作興國六祖書贊云余嘉祐初舉進士

館于興國浴室院時歐陽文忠公考試得先生
刑賞忠厚之至論以為異人欲冠多士疑曾子
固所為子固文忠門下小也乃真先生第二復
以春秋對義居第一及歐陽文忠公富鄭公皆待以
科始見知于歐陽公及諸公富鄭公皆待以
國士又按先生作太息一篇送秦少章歸京云
昔吾舉進士試名於禮部歐陽文忠公見吾文
且曰此我輩人也吾當與之是時士以剽裂為
文訕公者成市又有上堽太尉書云某年二十
有二矣及有上梅直講書是年先生登第之後

四月丁太夫人武陽君任氏憂按司馬溫公作
程夫人墓誌云夫人以嘉祐二年四月癸丑終
於鄉里又按老蘇寄文忠公書云二子不免丁
憂今已到家

三年戊戌

四年己亥

是歲先生年二十四服除十二月侍老蘇舟行
遣楚按上南行前集序云己亥之歲侍行遣
楚舟中事雜然有觸於中而發於詠嘆蓋家
君之作不輟之文皆在焉謂之南行集

五年庚子

是歲先生年二十五河南府福昌縣主簿有
新渠詩其序云庚子二月予過唐州太守趙侯
始復之改疏名渠為新渠詩五章以告于道路
致侯之意

六年辛丑

是年先生二十六應中制科入第三等有應制
科上兩制書及上富丞相書又有謝應中制科
啓撰大理評事鳳翔府參判按先生有感舊詩
序云嘉祐中子與子由奉制策寓居懷遠驛

時年二十六子由年二十三耳是年十二月赴
鳳翔任與子由別馬上六賦詩到任有石鼓詩云
冬十二月歲辛丑我初以政見魯叟及有鳳翔
八觀及鳳鳴驛記

七年壬寅

先生年二十七官于鳳翔二月有 詔郡吏分
往屬外決囚作詩五百言寄子由又有壬寅重
九不預會遊普門寺僧明 有懷子由詩及按志
林有論太白山舊封公帝 為文記之是歲嘉祐
七年也又有記歲暮鄉俗 三首以子由和守歲

詩考之云顧兔追龍蛇子由注云是歲壬寅乃
知記歲暮鄉俗三詩作於壬寅歲矣

八年癸卯

先生年二十八官于鳳翔作思治論

英宗皇帝治平元年甲辰

先生年二十九官于鳳翔

二年乙巳

先生年三十自鳳翔罷任按子由作先生墓誌
云治平二年罷還判登聞鼓院 英宗皇帝在
藩邸聞先生名欲以唐故事召入翰林宰相限

以近例名試祕閣皆入三等得直史館是年通義郡君王氏卒於京師

三年丙午

先生年三十一在京師直史館丁老蘇憂扶護歸蜀按歐陽文忠公作老蘇墓誌云明允太常因革禮書一百卷書成方奏未報君以疾卒實治平三年四月戊申也又按張安道作老蘇文安先生墓表云太常禮書成未報以疾卒實治平三年四月也英宗皇帝聞而傷之命有司具舟載其喪歸塋于蜀

四年丁未

先生年三十二居服制中以八月壬辰葬老蘇于眉州

神宗皇帝熙寧元年戊申

先生年三十三免喪按四菩薩閣記云載四菩薩版以歸既免喪嘗與往來浮屠人勸某為先君捨施為大閣以藏之作記乃熙寧元年十月

二年己酉

先生年三十四還朝監官告院按烏臺詩話云熙寧二年某在京授差遣與王詵寫詩賦及

蓮華經

三年庚戌

先生年三十五監官告院有送章子平詩其序云熙寧三年子平自右司諫直集賢院出牧鄭州賦詩餞之又有送錢藻知婺州詩分韻得英字送曾子固倅越詩分韻得燕字烏臺詩語云舊例館閣補外同舍餞送必分韻又有寄劉貢甫詩是年范景仁嘗舉先生充諫官

四年辛亥

先生年三十六任監官告院兼判尚書祠部

荆公欲變科舉 上殿馬使兩制三館議之先生獻三言荆公之黨不悅命攝開封府推官有奏罷買燈疏御史知雜事誣奏先生過失未嘗一言以自辯乞外任避之除通判杭州有赴任過揚州與劉貢甫孫巨源劉莘老相聚數月用逐人字作詩十一月到任有初到杭州寄子由兩絕除夕先生以通判職事直都廳日暮返舍題一詩于壁

五年壬子

先生年三十七在杭州通判任是歲有牡丹記

其序云熙寧五年三月二十三日余從太守沈公觀花於吉祥寺是年科場先生監試有呈試官詩及試院煎茶詩催試官考較試作八月十七日登望湖樓是日榜出與試官兩人復留有五絕句又有送杭州進士詩序云熙寧五年錢塘之士貢於禮部者九人十月乙酉宴于中和堂作是詩以勉之十二日運司差先生往湖州相度堤埤利害與湖州太守孫莘老相見有贈莘老七絕及作山村五絕是歲又作送杜子方詩及臘月遊孤山訪惠勤惠思二僧有詩

六年癸丑

先生年三十八在杭州通判任有八月十五觀湖詩寫于安濟亭上及作仁宗皇帝飛白記其略云熙寧六年冬以事至姑蘇安簡王公子誨出所賜公端敏二字又有作錢塘六井記其略云熙寧五年太守陳公述古至問民之利病明年春六井畢脩故詳其語以告後人運司又差先生往潤州道出秀州錢安道送茶和詩是歲有次韻章傳道詩和劉貢甫秦字韻詩寄劉道原詩及和陳述古冬日牡丹詩四絕又有題

贈法惠師小童思聰

七年甲寅

先生年三十九在杭州通判任正月遊風水洞
推官李泌先行三日留風水洞相待有詩題壁
是年納侍妾朝雲墓誌云朝雲姓王氏錢塘人
事先生二十有三年紹聖三年卒于惠州年三
十四以歲月考之熙寧之甲寅至紹聖之丙午恰
二十三年乃知納朝雲在是年明矣朝雲年三
十四是為癸卯生來事先生方十二云先生以
子由在濟南求為東州守按子由超然臺賦序

云子瞻通守餘杭三年不得代以讖之在濟南
也求為東州守既得請高密五月乃有移知密
州之命按先生作勤上人詩集序云熙寧七年
余自錢塘赴高密又按先生辛未別天竺觀音
詩序云余昔通守錢塘移莅膠西以九月二十
日來別南北山道友乃知先生以秋末去杭按
先生記游松江說云吾昔自杭移高密與楊元
素同舟而陳令舉張子野皆從余過李公擇於
湖遂與劉孝對俱至松江夜半月出置酒垂虹
亭上子野年八十五以歌詞聞於天下作定風

波令及道過常州為錢公轉作哀辭及有與段
屯田詩云龍鍾三十九勞生已強半歲暮日斜
時還為昔人嘆是年又作鳧澤先生文集序又
有師子屏風贊云潤州甘露寺有唐李衛公所
留陸探微畫師子版余自錢塘移守膠西過而
觀焉是年先生在潤州道上過除夜則師子贊
必在是年矣又有潤州道上過除夜詩兩絕

八年乙卯

先生年四十到密州任有上韓丞相論災傷書
其到郡二十餘日矣又論密州鹽稅又作後紀

菊賦其序云予仕宦十有九年家日益貧移守
膠西而齋厨索然按先生丁酉年登第至是恰
十九年矣是年有送劉孝對吏部詩及和李公
擇來字韻詩及常山祈雨感應立雪泉

九年丙辰

先生年四十一在密州任作刺秦篆記云熙寧
九年丙辰蜀人蘇某來守高密是年中秋歡飲
達旦作水調歌頭懷子由及作薄薄酒二章又
寫超然臺記寄李清臣又祭常山神文書膠西
蓋公堂照壁畫贊及作山堂銘作表忠觀碑

十年丁巳

先生年四十二在密州任就差知河中府已而
改知徐州四月赴徐州任有留別釋迦院牡丹
呈趙倅詩按子由作先生墓誌云自密徙徐是
歲河決曹村乃知是丁巳自密改東徐又與子
由相會於澶濮之間相約赴彭城留百餘日宿
於逍遙堂子由有兩絕先生和之徐州水患大
作七月十七日河決澶州曹村掃八月二十一日
及徐州城下先生治水有功至十月五日水漸
退城以全朝廷降詔獎諭作河復詩韓絳書

馬歌司馬君實獨樂園詩及送范蜀公往西京
詩又有和子由水調歌頭詞及有與王定國顏
長道泛舟詩有回頭四十二年非之句

元豐元年戊午

先生年四十三在徐州任適值春旱徐州城東
二十里有石潭置虎頭其中可致雷雨作起伏
龍行是年三月始識王迥子高聞與仙人周瑛
英遊作芙蓉城詩二月有旨賜錢二千四百
一十萬起夫四千二十三人及發常平錢未改
築徐州外小城創木岸四以獎諭勅記併刺

諸石為熙寧防河錄云廼即徐州城之東門為
大樓堊以黃土名之曰黃樓以土實勝水故也
子由作黃樓賦先生跋云元豐元年八月癸丑
樓成九月庚辰大合樂以落之又有中秋月三
首云六年逢此月五年照離別先生注云中秋
有月凡六年矣惟去歲與子由會於此去歲之
會乃逍遙堂和詩之時也又有九日黃樓作古
詩一首云去年重陽不可說南城夜半千驅
之句以去年九月大水未退故有是語又作放
鶴亭記滕縣公堂記鹿鳴燕詩序和魯直古風

二首及次韻潛師放魚和舒堯文祈雪詩祭文
與可及作石炭詩又作日喻一篇

二年己未

先生年四十四在徐州任正月己未同畢仲孫
舒煥八人游泗之上登石室使道士戴日祥鼓
雷氏琴先生有記按玉局文云僕在徐州王子
立子鉉皆館於官舍而蜀人張師厚來過二王
方年少吹洞簫飲酒杏花下三月自徐州移知
湖州按先主作張氏園亭記云余自彭城移守
吳興由宋登舟三宿而至其記乃三月二十七

日所作乃知三月移湖州明矣是年以四月二十九日到湖州任作送通教大師還杭州序及為章質夫作思堂記王定國作三槐堂記跋歐陽文忠公家書後在湖州王子立十敏皆從先生作子立墓誌云子立子敏皆從余學於吳興學道日進東南之士稱之有與王郎昆仲及兒子邁遠城觀荷花登峴山亭晚入飛英寺分韻得月明星稀四首又有泛舟城西會者五人分韻得人皆苦炎字四首又作文與可畫簣管谷偃竹記其末云元豐二年七月七日予在湖州

曝書見畫巖卷而哭夫巖是歲言事者以先生湖州到任謝表以為謗七月二十八日中使皇甫遵到湖追攝按子立墓誌云子得罪於吳興親戚故人皆驚散獨兩王子不去送予出郊曰死生禍福天也公其如天何返取予家致之南都又按先生上文潞公書云某始就逮赴獄有一子稍長徒步相隨其餘守舍皆婦女幼稚至宿州御史符下就家取書州郡望風遣吏發卒圍紵搜取長幼幾怖死既去婦女恚罵曰是好著書書成何所得而怖我如此悉取焚之八月

十八日赴臺獄中有寄子由詩二首及賦榆槐
竹柏四詩又有十二月二十日恭聞 太皇太
后升遐吏以其罪人不許成服欲哭則不可欲
泣則不敢作挽詩二首已而獄具十二月二十
九日責授黃州團練副使本州安置是年子由
聞先生下獄上書乞以見任官職贖先生罪責
筠州酒官出獄再次寄子由二詩韻有百日歸
期恰及春之句先生自八月坐獄至是踰百日
矣

三年庚申

先生年四十五責黃州自京師道出陳州子由
自南郡來陳相見三日而別先生有古詩有便
為齊安民之句又與文逸民飲別攜手河堤上
作詩與子由別乃正月十有四日也至十八日
蔡州道上遇雪有次子由韻古詩二首過新息
縣有示鄉人任師中一首任伋字師中眉州人
嘗住黃州卜居新息先生以詩示之又有過淮
詩游淨居寺詩至岐亭訪故人陳慥李常為留
五日賦詩一首而去乃以二月一日至黃州寓
居定惠院有初到黃州詩按先生別王文甫子

辯云僕以元豐三年二月一日到黃州家在南
都獨與兒子邁來是年五月子由來齊安先生
有詩迎之又有曉至巴河迎子由詩乃與子由
同遊武昌西山寒溪寺有古詩一首定惠顯師
為先生竹下開粥軒作詩記其事又作五禽言
又有定惠寺寓居月夜偶出詩云去年花落
在徐州對月酣歌美清夜今年黃州見花發小院
閉門風露下蓋懷在徐州與張師厚王子立子
敏飲酒杏花下時也定惠有海棠一株土人不
知其貴先生作詩有也知造物有深意故置佳

人在幽谷之句接近日黃州東坡圖云先生寓
居定惠未久以是春遷臨泉亭乃舊日之回車
院也又有遷居臨泉亭詩先生就臨泉亭立南
堂有詩五絕又有讀戰國策及作石芝詩先生
是歲又有荅秦太虛書借得本州天慶觀道士
堂冬至後坐四十九日先生乳母王氏八月卒
于臨泉亭按先生上文潞公書云到黃州無所
用心單思易論語若有所得由是言之先生到
黃定居之後即作易傳九卷論語五卷必始於
是歲矣

四年辛酉

先生年四十六在黃州寓居臨臬亭正月往岐
亭訪陳季常以岐亭五首考之云元豐三年正
月岐亭為留五日明年正月復往見之過古黃
州獲一鑑周尺有二寸有鑑銘云元豐四年正
月余自齊安往岐亭泛舟而還過古黃州獲一
鑑周尺有二寸是年先生請故營地之東名之
以東坡考東坡八首序云余至黃二年日以因
置故人馬正卿哀予之食於郡請故營地使躬
耕其中蓋先生庚申來黃至辛酉為二年矣以

東坡圖考之辛酉方營東坡次年始築雪堂以
贈孔毅甫詩觀之去年東坡拾瓦礫今年刈草
蓋雪堂則雪堂作於壬戌歲明矣又有中秋日
飲酒公亭上有贈鄭君求字及記游松江說聞
捷說按大全集雜說云元豐辛酉冬至僕在黃
州姪安節遠來飲酒樂甚以識一時盛事又有
冬至贈安節詩云平生幾冬至少小如昨日又
有與安節夜坐賦繫字韻詩三首及正月過岐
亭作應夢羅漢記

五年壬戌

先生年四十七在黃州寓居臨臬亭就東坡築
雪堂自號東坡居士以東坡圖考之自黃州門
南至雪堂四百三十步雪堂間云蘇子得廢園
於東坡之脇辨其正曰雪堂以大雪中為之因
繪雪於四壁之間無容隙其名蓋起於此先生
自書東坡雪堂四字以榜之試以東坡圖考雪
堂之景堂之前則有細柳前有浚井西有微泉
堂之下則有大冶長老桃花茶巢元僧菜何氏
叢橘種杭楸蒔栗有松期為可斲種麥以為
奇事作陂塘植菖蓂皆是以供先生之歲用而

為雪堂之勝景云耳以長短句擬斜川觀之元
豐壬戌之春予躬耕東坡築雪堂以居之南挹
四望亭之後西控北山之微泉慨然而歎此亦
斜川之游也作江城子詞是年三月先生以事
至蘄水觀悼徐德占詩序云元豐五年三月余
以事至蘄水德占惠然見訪又有春夜行蘄水
過酒家飲酒乘月至一橋上曲肱少休作西江
月詞又遊蘄水清泉寺作浣溪沙詞又作寒食
詩二首云自我來黃州已見三寒食先生庚申
二月來黃至是三寒食矣太守徐君猷分新火

先生有詩謝之有臨臬亭中一危坐三見清明
改新火之句七月遊赤壁有赤壁賦云壬戌之
秋七月既望蘇子與客泛舟遊于赤壁之下十
月又遊之有後赤壁賦以東坡圖考之後赤壁
賦云十月既望蘇子步自雪堂將歸于臨臬則
壬戌之冬未遷而先生以甲子六月過汝則居
雪堂止年餘由是推之先生自臨臬遷雪堂必
在壬戌十月之後明矣又有和孔毅甫久旱已
其雨三首云去年太歲空在酉乃知指去年辛
酉而言之也又按長短句有飲王文甫家集古
句作墨竹定風波及夢扁舟望樓霞作鼓笛輕
及記單驤孫池事迹作怪石供及重九作醉蓬
來示黃守徐君猷有羈旅三年之句先生庚申
來黃至是恰三年矣

六年癸未

先生年四十八在黃州為通判孟亨之跋子由
君子泉銘及有題唐林父筆文閣八月有詩與
武昌主簿吳亮工又有記承天夜遊云十月十
二夜至承天寺尋張懷民相與步於中庭庭中
如積水空明水中藻荇蓋竹柏影也及作一絕

送曹煥往筠州序云明年余過圓通始得其詳
先生甲子歲自黃之江遊廬山則送曹煥詩必
在是年矣又夢中作祭春牛文云元豐六年十
二月二十七日天欲明夢數吏人持紙請祭春
牛文予取筆疾書其上

七年甲子

先生年四十九在黃州二月與徐得之參寥子
步自雪堂至乾明寺有師中庵題名又有記定
惠寺海棠說四月乃有量移汝州之命按先生
長短句滿庭芳序云四月一日余將自黃移汝

留別雪堂鄰里二三君子李仲覽來書以遺之
詞中有坐見黃州再聞之句按東坡圖云郡人
潘邠老及弟大觀俱以詩知名多從先生游先
生去以雪堂付之邠老因以居焉四月六日又
作安國寺記有別黃州詩有過江夜行武昌山
上聞黃州鼓角詩黃州送先生者皆至於慈湖
陳季常獨至九江既到江州和李太白海陽官
詩其序云今予亦四十九感之次其韻因游廬
山有記遊廬山說云僕初入廬山山谷奇秀平
生所欲見應接不暇不欲作詩已而山中僧俗

皆曰蘇子瞻來矣不覺作一絕入關先寺主僧
求詩作瀑布一絕往來十餘日作款玉亭三峽
橋詩與摠老同遊西林有贈摠老及題西林壁
皆絕句也又有寫寶蓋頌與僊長老其序云圓
通禪院先君舊遊也四月二十四日晚至宿焉
明日先君忌日寫寶蓋頌以贈長老僊公蓋先
生端午已在筠州計程必作宮師忌日之後即
為高安之行矣途中又有題李公擇山房及過
建昌李野夫公擇公居有古詩一首按跋李志
中文云元豐七年某舟行赴汝乃自富川陸走

高安別家弟子由以冷齋夜話考之子由在筠
州雲庵居洞山總禪師亦蜀人居壽聖寺一夕
三人同夢迎五祖戒和尚拊手大笑曰世間果
有同夢者異哉久之東坡書至曰已至奉新且
夕相見三人同出二十里建山寺而東坡至各
追繹所夢坡曰某年七八歲時嘗夢其身是僧
往來陝右雲庵驚曰戒陝右人也暮年奔五祖
來遊高安終於大愚遂教蓋五十年而坡時年
四十九矣又以先生古詩考之有自興國往筠
宿石田驛詩及將至筠州先尊遲遲遠三猶子

詩端午遊真如寺及別子由三首在筠州為留
十日又有初別子由至奉新作皆先生筠州之
作也七月過金陵有與葉致遠唱和詩途中又
有送沈遠赴廣南詩云嗟我與君皆丙子四十
九年窮不死又云我方北渡脫重江君復南行
輕萬里逼歲到泗州十二月十八日浴雍熙塔
下作如夢令兩闕又作滿庭芳與劉元達序云
余年十七與仲達性來於眉山四十九相逢於
四上晦日同遊南山話舊感嘆又有跋李志中
文天石硯銘又作水龍吟及有謝黃師是除夜
雞已至泗州而贊用鑿竭見一面前去南京聽
候朝旨又考縣賦鐸試筆云正月四日離泗
州則是除夜在泗州明矣

八年乙丑

先生年五十按大全集雜說驃賦鐸試筆云今
日離泗州然吾方上書求居常州乃正月四日
書及到南京有放歸陽羨之命遂居常州五月
內復朝奉郎知登州再過密州有贈太守密州
詩云十年不赴竹馬約蓋先生丁巳歲去密至

是以成數為十年矣過海州嘆高麗館壯麗作
一絕到郡五日以禮部郎官名到省半月餘起
居舍人在登州有海市詩又有別登州舉人詩
有 嫌五日忽忽守之句又有贈杜介詩及題
楞伽跋多寶院文又有題登州蓬萊閣及跋起
居錢公文後

哲宗皇帝元祐元年丙寅

先生五十一以七品服入侍延和改賜銀緋
尋 書舍人按志林云元祐元年余為中書
舍人後遷翰林學士知制誥是年有法雲寺鐘

銘又作真相院釋迦舍利塔銘及作元祐元年
九月六日明堂赦文又有內中告遷 神御於
新添脩殿奉安祝文及奉告天地社稷宗廟宮
觀寺院祈雪祝文五嶽四瀆祈雪祝文及任中
書舍人日舉江寧府司理周種充學官及除內
翰又有舉魯直自代狀

二年丁卯

先生年五十二為翰林學士復除侍讀有書石
舍人北使序後及有與喬全寄賀君詩其序云
元祐二年全來京師十數日子留之不可又有

二月八日朝退起居院感申公故事作一絕又
有書子由日本扇後及作祭王宜甫文又作興
國寺六祖書贊至嘉祐初舉進士館於興國浴
室院予去三十一年而中書舍人彭器資亦館
於是余往見之按先生嘉祐丁酉舉進士至元
祐丁卯恰三十一年矣是年又作西京應天院
脩神御畢告遷諸神祝文及奉安 神宗皇帝
神御祝文及景靈宮宣光殿奉安 神宗皇帝
御容祝文五嶽四瀆祈雨祝文天地宗廟社稷
祈雨祝文景靈宮天興殿開淘井眼祭法壇

真官祝文

三年戊辰

先生年五十三任翰林學士有和子由元日省
宿致齋有白髮蒼顏五十三之句是年省試先
生知貢舉開院日有與李方對詩序云僕與李
廌方對相知久矣僕領貢舉事李不得第愧甚
作詩謝之又和錢穆父雪中見及有行避門生
時小飲之句又充館伴北使按先生與陳傳道
書云某頃伴虜使頗能誦某文乃知先生高文
大冊傳播夷夏又豈止及於雞林行賈而已哉

是年作呂大防范純仁左右相制端午帖子詞
元祐三年六月德音赦文及作西路關雨祈雨
祝文按道德麟侯鯖錄云東坡云元祐三年二
月二十一日與魯直蔡天啓會于伯時舍錄鬼
仙詩文有議論作詩付過又有論樂等說及與
王晉卿論雪堂義墨及為文驥作字說又十二
月二十一日立延和殿中論盛度諸詞

四年己巳

先生年五十四任翰林學士有東太一宮脩殿
告十神太一真君祝文三月內累章請郡除能

圖閣學士知杭州按子由作先生墓誌云 宣
仁心善先生辭蔡持正之謗出郊遣內侍賜龍
茶銀合用前執政恩例先生以七月三日到杭
州任謝表云江山故國所至如歸父老遺民與
臣相問以先生去杭州十六年故有是語尔到
任有謁文宣王朝祝文云昔自太史通守是邦
今由禁林出使浙右又有謁諸廟祝文先生之
帥杭也替林子中先生有和子中詩有江邊遺
愛帝斑白之句是年過吳興又作定風波為六
客詞作范文正公文集序及跋邢惲夫賦書米

元章又有已巳重九和蘇伯固點絳唇是歲子
由使契丹先生有詩送之有單于若問君家世
莫道中朝第一人之句先生出牧餘杭子由代
先生為學士

五年庚午

先生年五十五在杭州任有論西湖狀及論高
麗公案有謝元祐五年曆日表有與劉景文蘇
伯固遊七寶寺題竹上絕句又有庚午重九點
絳唇十月二十六日與晦老全翁元之數夫遊
南屏寺記點茶試墨說十二月遊小靈隱聽林

道人彈琴及有乞僧子珪師辨狀除夜有和熙
寧中題都廳詩序云熙寧中某通守此邦除夜
題一詩于壁今二十年矣蓋熙寧辛未至元祐
庚午恰二十年是年又有書朱象先畫後及問
淵明說

六年辛未

先生年五十六在杭州任被召授先生作別天
竺觀音三絕序云以三月九日被旨赴闕又
授先生作參寥泉銘云予以寒食去郡又上元
作會有獻剪綵花者作浣溪沙寄來公濟先生

之去杭也林子中復來替先生是以先生與子
中啓有適相先後之說過潤州作臨江仙別張
秉道既到京師除翰林承旨復侍近英按子由
所作穎濱遺老傳云先生名還本除吏部尚書
復以臣故改翰林承旨臣之私意元不遑安乞
寢臣新命與兄同備後官不報六月作上清儲
祥宮碑其略云元祐六年六月丙午制詔臣
某上清儲祥宮成當書之石臣待罪北門記事
之成職也按趙德麟侯鯖錄云先生元祐中再
召入院作承旨乃孟嘉擬作衣帶馬表云枯藁

之質匪伊垂之帶有餘斂返之心非敢後也馬
不進數月以弟嫌請郡復以舊職知穎州按先
生懷舊別子由詩云元祐六年予自杭州召還
寓居子由東府數月復出領汝陰時子年五十
六矣到任有謁文宣王及諸廟文有祭歐陽文
忠文及有到穎未幾公帑已竭齋厨索然戲作
數句按趙德麟侯鯖錄云元祐六年冬汝陰久
雪人飢一日天未明東坡先生簡名議事曰某
一夕不寐念穎人之饑欲出百餘千造炊餅救
之老妻謂某曰子昨過陳見傳欽之言蘇判在

陳賑濟有功不問其賑濟之法其遂相招令時
面議曰已備之矣今細民之困不過食與火耳
義倉之積穀數千石便可支散以救下民作院
有炭數萬秤酒務有米數十萬秤依元價賣之
可濟中民先生曰吾事濟矣遂草放積欠賑濟
奏陳履常有詩先生次韻有可憐擾擾雪中人
之句為是故也由此觀之先生善政救民之飢
真得循吏之體矣又有聚星堂雪詩祭辯才文
跋張乖崖文後及志林載夢中論左傳說及論
子厚瓶賦又有十二月二日與歐陽對獨李默

七年壬申

夜坐記道人問真說是年穎州災傷先生奏乞
罷黃河夫萬人開本州溝瀆從之

先生年五十七在穎州任按趙德麟侯鯖錄云
元祐七年正月東坡在汝陰州堂前梅花太開
月色鮮霽先生王夫人曰春月色勝如秋月色
秋月令人慘悽春月令人和悅何如名趙德麟
輩來飲此花下先生大喜曰吾不知子亦能詩
耶此真詩家語耳遂名與二歐飲先生用是語
作減字木蘭花有不似秋光只與離人照斷腸

之句已而改知揚州先生之在穎也與趙德麟
同治西湖未幾有維揚之命三月十六日湖成
德麟有詩見懷先生次韻又再和之及作雙石
詩示僚友按冷齋夜話云東坡鎮維揚幕下皆
奇豪一日石塔長老求解院歸西湖坡將僚佐
袖中出疏使晁無咎讀之其詞有為東坡而少
留之句已而以兵部尚書召有召還至都門先
寄子由詩有一味豐年說淮穎之句復無侍讀
是年南郊先生為鹵簿使尋遷禮部尚書遷端
明侍讀學士有讀朱暉傳題文潛語後及作醉

八年癸酉
翁擔任兵部尚書日有薦趙德麟狀

先生年五十八任端明侍讀二學士是年先生
繼室同安郡君王氏卒於京師按先生作西方
阿彌陀贊序云蘇某之妻王氏元祐八年八月
一日卒于京師謹按先生初娶通義郡君王氏
乃同安之堂姊也先生祭王君錫文人云某始
婚媾公之猶子允有令德天闕莫遂惟公多女
嗣執壘籬由是推之通義為同安之堂姊明矣
但未能究先生再娶之歲月耳又有八月二十

七日建隆章淨館成一絕有坐待宮入畫詔回
之句復以二學士出知定州九月十四日東府
雨中作示子由云去年秋雨時我在廣陵歸今
年中山去白首歸無期蓋定州之除必在九月
內矣到定州任有祭韓魏公文書定州學生硯
蓋作中山松醪賦是年又作杜輿子師字說及
論子方蟲有夢南軒語

紹聖元年甲戌

先生年五十九知定州就任落兩職追一官知
英州有辭宣聖文行至滑州有乞舟行赴英州

狀云帶家屬數人前去汴泗之間乘舟泛江倍
道而行至南康軍出陸赴任未到任間再貶寧
遠軍節度副使惠州安置過虔州有記真君籤
說云八月二十一日過虔州與王巖翁同謁祥
符宮又有驚孤臺游字韻詩與霍守李倅更和
數首又有初入贛作又有題天竺樂天石刺余
年勞時先君自虔州歸言天竺有樂天詩今四
十九年矣蓋先生年十二老蘇歸自江南至是
一
恰四十七年矣是年以十月三日到惠州寓居
嘉祐寺有初到惠州詩當月十二日與弟子過

同遊白水佛迹浴於湯池有古詩又按長短句
浣溪沙序云紹聖元年十月十三日與程鄉令
侯晉對歸善簿單級游大雲寺野飲松下設松
黃湯作此闕余家近釀酒名曰萬家春時有虔
州鶴田處士王原子直不遠千里來訪先生留
七十日而去至十一月有戲贈朝雲詩朝雲先
生侍妾也又錄三十九歲潤州道上過除夜兩
絕付過及有跋朱表臣藏文忠公帖又有與吳
秀才書吳乃子野之子其書云過廣州買得檀
香數斤定居之後杜門燒香深念五十九年之

非矣是年九月過廣州訪道士何德順又有記
仙帖又作雪浪石盆銘又就嘉祐寺所居立思
無邪齋有贊乃紹聖元年十月二十日所作也

二年乙未

先生年六十在惠州有惠州上元夜詩詩云去
年中山府老病亦宵興今年江海上雲房寄山
僧以歲月考之去年甲戌上元先生知定州今
歲乙未寓嘉祐僧舍故有雲房寄山僧之句是
年遷居于合江亭以先生列王子直語觀之紹
聖三年十月三日始至惠州寓於嘉祐寺明年

遷於合江之行館得江樓豁徹之觀忘幽谷窈
窕之趣乃知乙未歲遷居合江樓明矣仍有松
江亭上賦梅花詩三首及有先生行年六十化
之句三月四日同太守詹範器之柯常林祚王
原頴仙芝同遊白水山又有與陳季常書云到
惠州將半年矣先生以去年十月三日到惠州
三月恰半年矣又有九月二十七日惠州星華
館思無邪齋書記外祖程公逸事又有朝斗記
讀管身安傳書魯直跋遠景圖北齋校書圖後
又有為幼子過書金光明經後及付僧惠誠進

吳中代書及祭妹德化縣君文有葬枯骨銘時
詹守議壘暴骨先生詩有江干白骨已銜恩之
句

三年丙子

先生年六十一在惠州有和陶淵明移居詩云
余去歲三月自水東嘉祐寺遷去合江樓迄今
一年得歸善後隙地數畝父老云古白鶴觀也
意欣然居之營白鶴新居始於是矣詩中乃有
葺思無邪齋之句先生甲戌寓居嘉祐寺已有
思無邪齋贊矣乙未遷合江樓先有書程公逸

事于星華館思無邪齋今丙子欲營新居又曰
葺為無邪齋雖三年之間遷居不常意其思無
邪齋之名亦隨寓而安矣當年惠州脩東西新
橋先生助以犀帶而子由亦以史夫人頃入內
所賜金錢數千為助及橋成日先生有詩落之
乃有嘆我捐腰犀及有探囊賴故俟寶錢出金
闔之句又有曇秀道人來訪先生而先生題其
詩卷云子在廣陵曇秀作詩予和之後五年曇
秀來惠州見予且先生以壬申知揚州至是恰
五年矣時吳遠遊陸道士客於先生歲暮以無

酒為嘆先生和淵明和張常侍詩云我年六十
一類景薄西山是年又有丙子重九詩二首及
書東臬子傳後祭寶月大師文七月朝雲卒先
生有詩悼之及作墓誌又於惠州栖禪寺大聖
塔壘處作亭覆之名之六如亭又除夜前兩日
與吳遠遊有記食芋說按先生和淵明時運詩
丁丑二月十四日白鶴峯新居成計其營新居
之棟宇必在丙子秋冬之交有白鶴峰上梁文
四年丁丑

先生年六十二在惠州正月六日有題劉景文

詩後按先生和淵明時運詩云丁丑二月十四日白鶴峰新居成又按先生與林天和長官書云賤累閏月初可到又云承問賤累正月末已到贛上矣閏月上旬到此也又按先生丙子年與毛澤民書云長子授韶州仁化令中冬當挈家至此某已買得數畝地在白鶴峰上古白鶴觀基也已令斫木陶瓦作屋二十間以此考之先生長子自冬挈家至閏二月方到惠州按和時運詩序長子邁與予別三年矣般挈諸孫萬里遠來不能無欣然先生長子挈家必於丁丑

閏二月上旬到惠州明矣所謂二月十四日新居成必閏二月也三月先生作三馬圖及作陸道士墓誌五月先生責授瓊州別駕昌化軍安置按志林云余在惠州忽被命責儋耳太守方子容自携告身來弔余曰此固前定吾妻沈事僧伽甚誠一夕夢和尚來辭云當與蘇子瞻同行後七十二日有命今適七十二日矣豈非前定乎遂寄家于惠州獨與幼子過渡海按子由作先生追和淵明詩序云東坡先生謫居儋耳實家羅浮之下獨與幼子過負擔過海又至梧

州寄子由詩序云吾謫雷被命即行了不相知
至梧乃聞其尚在藤也旦夕當追及至五月間
果遇子由於藤州有藤州城下夜起望月寄邵
道士詩自藤出陸六月與子由相別按先生和
淵明移居詩序云丁丑歲余謫海南子由亦謫
雷州五月十一相遇於藤同行至雷六月十一
日相別渡海有雷州詩八首有行瓊州儋耳有
與坐睡中得句而遇清風急雨故作是詩有古
詩一首以七月十三日到儋州有儋州謝表按
先生夜夢詩序云七月十三日至儋州十餘日

矣按子由作先生墓誌云紹聖四年先生安置
昌化初僦官屋以庇風雨有司猶謂不可則買
地築室昌化士人畚土運甃以助之為屋三間
又按先生與程全父推官書云初至僦官屋數
椽近復遭迫逐不免買地結茆又按先生與程
儒書云近與兒子結茆數椽居之勞費不貲矣
賴十數學者助作躬浣水之後又云新居在軍
城南極湫隘以意測之先生居在軍城南鄰於
天慶觀以先生天慶觀乳泉賦考之吾索居儋
耳卜築城南鄰於司命之宮先生又有批椰庵

銘云東坡居士謫居儋耳無地可居偃息於桄榔林中摘葉書銘以記其處是歲又過海得子由書律詩一首

元符元年戊寅

先生年六十三在儋州有過子上元夜赴郡會守舍作違字韻詩及有讀晉書隱逸傳嶺南氣候說錄溫嶠問郭文語又於九月四日遊天慶觀有信道法智說是年吳子野來訪先生而先生以詩贈之其序云去歲與子野遊逍遙堂因往西山叩羅浮道院宿于西堂今歲索居儋耳

子野復來相見作詩贈之又有記立卦云戊寅十月五日以久不得子由書憂不去心以周易筮之得渙六三又有記諸說云海南以諸為糧幾米之十六今歲諸菜不熟以容舶方至市有米也乃戊寅十月二十一日書又有戊寅十一月一日記海漆說

二年己卯

先生年六十四在儋州有己卯正月十三日錄盧仝杜子美詩遣懣是時久旱無雨陰翳未快至上元夜老書生數人相過曰良月佳夜先生

能一出乎先生欣然從之步城西入僧舍歷小巷民夷雜樵屠沽紛然歸舍已三鼓矣歸錄其事為己卯夜書又有二月望日書蒼耳說又有儋州詩二首有萬戶不禁酒三年夷識翁之句先生丁丑來儋至是將三年矣是歲閏九月有瓊州進士姜君弼唐佐自瓊州來儋耳後先生學又有作墨說及題程全父詩卷後及有壁紙說又有與姜唐佐簡云已取天慶觀乳泉潑建茶之精者念非君莫與共之又有十月十五日與姜君簡

二年庚辰

先生年六十五歲在儋州人日聞黃河復作詩二首至上元又和戊寅違字韻詩題後云戊寅上元余在儋耳過子夜出守舍作違字韻詩今庚辰上元已舟期矣家在惠州白鶴峯下過子并婦從余來此又有五穀耗地說記唐村老人言及養黃中說姜君弼去年閏九月自瓊州來從先生學三月還瓊州有跋姜君弼課茶及有書柳子厚飲酒讀書二說以贈姜君之行按子由樂城集有贈姜君詩序云子瞻嘗贈姜君弼

兩句詩云滄海何曾斷地脉白袍端為破天荒
它日登科當為子之之必是行以遺之也五月
大赦量移廬州安置且先生之在儋也食芋飲
水著書以為樂作書傳以推明上古之絕學又
且謙冲下士情及疎賤日與諸黎遊無間也嘗
與軍使張中同訪黎子雲欲醵錢作屋名之曰
我酒堂矣又嘗上己日尋諸生皆出獨與老符
秀才飲笑又嘗用過韻與諸生冬至飲酒有愁
顏解符老壽耳闕吳公之句矣注云符吳皆生
客必老符秀才與吳子野也又嘗以詩紀春事

婆矣按趙德麟侯鯖錄一東坡老人在昌化嘗
負大瓢行歌田畝間所
七十云內翰昔日富貴
呼此媪為春夢婆坡一
諸黎之舍作詩云符老
鬢絲多接接每因東鄰
日復見老符秀才言此
事皆先生海外之逸事
在甚年中今附于庚辰
又有儋州與姜君獨書
場春夢坡然之里人
被酒獨行遍至子雲
以流可柰何未顏減盡
以換扇惟逢春夢婆是
甘夢婆之實也凡此數
也雖三年居儋耳未知
之歲庶以備觀閱云耳
亦已得合浦文字又有

與少游書自儋之瓊作
安靈王廟碑云元符三
年有詔徙廉州向西而
僻六月過瓊州作惠通
泉記遂渡海有過海詩
又有烏冢詩序云余來
儋耳得犬曰烏冢予重
作是詩渡海到廉州謝
表有許承恩而內徙之
句在廉州有廉州龍眼
質味殊絕可敵荔枝詩
又有題少游學書乃二
庚辰八月二十四日書
于合浦清樂軒及記茲
佛兒語別廉守張左巖
詩此皆在廉州所作一
詩也又有瓶笙詩序云
庚辰八月二十八日
幾仲筵別東坡中觴

笙簫散又有與鄭靖書
書云到廉廉守云公
行矣志林未成草得中
傳十三卷某留此過中
秋或至月未乃行作木
棧下水厯容藤至梧與
邁約般家至梧相會治
亦至惠矣是歲又有移
永州之命按先生謝從
舉成都府玉局觀表云
先自昌化貶所移廉州
又自廉州移舒州又度
副使永州居住行至英
州復朝奉郎提舉武都
府玉局觀任便居住經
田廣州有將至廣州用
過字韻寄迨邁二子詩
時朱行中令人知廣州
先生有簡與朱行中云
秋服帽請見先令咨稟

廣州少留而行考先生趙廣慶寺云東坡居士
渡海北還吳子野何崇追頌堂通三長老黃明
達李公弼林子中自寄追錢至清遠峽同遊
廣陵寺乃元符三年十月十五日自此舟行
清遠見顧秀才談惠州一美遂作詩過英州拜
玉局之除有何公橋詩一韶州有次韻狄守李
侏詩及作九成臺銘是一過嶺作詩二首寄子
由有七年來往我何堪一語蓋先生甲戌責惠
州已而過海至是為七年矣次年正月五日過
南安軍計先生渡嶺必一歲除

徽宗

至帝建中靖國元年辛巳

先生年六十六度嶺北歸作南華長老題名記
按題中載石鍾山記云建中靖國元年正月五
日自南陵還過南安軍舊法掾吳君示舊所作
石鍾山銘為題其末乃知先生首正過南安必
矣又有過嶺至南安作一首正月到虔州有與
錢濟明書云某已到虔州二月十間方離此又
和舊所作鬱孤臺詩有虔州士人孫志舉從先
生游先生有和遲韻贈志舉先輩云我從海外
歸喜及崆峒春又有和志舉見贈云洒掃古王

局香火通帝闈又用前韻謝崔次之見過云自我遷嶺外七見槐火春及發虔州過吉州永和鎮清都觀有謝道士自言丙子生求詩為賦一首及為作贊并寫清都臺三字中途又為南安軍作學記寫海外所作天慶觀乳泉賦四月舟行至豫章彭蠡之間遇成國程夫人忌日迺駕圓通偈云行當施廬山有道者又有與胡仁脩書云旦夕到儀真暫令邁一至常五月行至真州瘴毒大作病暴下中止於常州按先生寄朱行中詩有至今不貪寶凜然照塵寰之句先生

注云前一日夢中作此詩寄行中覺而記之自不曉接近日曾端伯百家詩選至朱行中事迹云東坡夢中寄朱行中一篇南遷絕筆也嗟乎先生之文如萬斛泉源而乃止於夢中寄行中之作此正絕筆獲麟之義惜哉六月上表請老以本官致仕七月丁亥卒於常州實七月二十八日也子由作先生墓誌云先生七月被病卒於毗陵吳越之民相與哭於市其君子相與弔於家計聞於四方無賢愚皆咨嗟出涕太學之士數百人相率飯僧惠林佛舍嗚呼先生文章

為百世之師而忠義尤為天下大開加之好賢
樂善常若不及是宜計聞之日士民惜哲人之
痿朝野嗟一鑑之逝皆出於自然之誠不可以
強而致也以次年明六月葬於汝州郟城縣鈞
臺鄉上瑞里

右王宗稷編次

東坡先生年譜其援引多以大全集為據雖
若未盡善然稽攷

先生出處大略用心亦專矣故為刊之

